

春秋屬辭辨例編

春秋屢辭辨例編卷二十七目錄

姓氏總論 隱八年左傳誤字辨

大夫書氏不書氏總論 小國無命大夫辨 以為筆削褒貶辨

諸侯之子為大夫稱公子公子之子稱公孫 穀梁說辨 筆削褒貶辨

魯 公子弔穀梁說辨 公子翬左氏程胡說辨 公子牙公

曹 公子首公穀說辨 公孫會公穀說辨

陳 公子御冠穀梁說辨 公子招公羊說辨

齊 公子商人胡傳說辨 莒 公子意恢穀梁說辨

楚 公子嬰齊穀梁說辨 衛 鄭 蔡 宋

公孫之子與異姓之臣賜族書氏未賜族不書氏

內外大夫未賜族不書氏

魯 無駭公穀說辨杜說辨 翬左說辨 潛左穀說辨

衛州吁公羊說辨 晉胡傳齊無知胡傳說辨

鄭宛穀梁說辨 詹公穀說紀履綸穀梁說辨

秦衛公羊說辨 楚椒公羊說辨

朱 莒 邾 吳

內外大夫已賜族書氏

魯單伯左說辨 夷伯左說辨 仲嬰齊公羊說辨

宋 孔父以孔為字以父為字辨

齊仲孫公穀說辨 崔氏左說辨

衛 晉 蔡 陳 楚

王臣書氏

春秋屬辭辨例編卷二十七

錢唐張應昌

○姓氏總論 隱八年左傳誤字辨

天子賜姓命氏諸侯命族族者氏之別名也姓者所以統繫百世使
不別也氏者所以別子孫之所出故世本之篇言姓則在上言氏則
在下也

史記五帝本紀集解引鄭駁異義

禮記大傳曰繫之以姓而弗別百世而昏姻不通者周道然也是言
子孫當共姓也其上文云庶姓別於上而戚單於下是言子孫當別
氏也氏族一也所從言之異耳釋例曰別而稱之謂之氏合而言之
則曰族例言別合者若宋之華元華喜皆出戴公向魚鱗蕩共出桓
公獨舉其人則云華氏向氏并指其宗則云戴族桓族是其別合之
異也記謂之庶姓者以始祖爲正姓高祖爲庶姓亦氏族之別名也
姓則受之於天子族則稟之於時君周之子孫皆姬姓賜姓者少惟

外姓嫡滿之徒耳賜族者有大功德宜世享祀方賜之胙士命氏據封建諸侯言其王朝大夫不封國者亦當賜族尹氏武氏是也諸侯之臣卿乃賜族或以才舉功德猶薄未足立家雖爲卿不賜族諸侯以字字有二等檀弓曰幼名冠字五十以伯仲則二十加冠之字及伯仲叔季長幼之字二者皆可以爲氏

孔疏隱八年

天子賜姓賜氏諸侯但賜氏不得賜姓降於天子也天子因諸侯先祖所生賜之姓杜預云若舜生瀉汭賜姓媯封舜後于陳以所封之士命爲氏也諸侯賜大夫氏同姓公之子曰公子公子之子曰公孫公孫之子其親已遠不得上連於公以王父字爲氏適夫人之子以五十字伯仲爲氏若魯之仲孫季孫是也庶子妾子以二十字爲氏若展氏臧氏是也異姓以父祖官及所食邑爲氏以官氏司馬司城是也以邑氏韓趙魏是也子孫不爲卿不賜者自以王父字爲族氏

族對文爲別散則通故左傳上云問族下云命爲展氏姓與氏散亦得通故春秋有姜氏子氏皆姓而云氏也

禮記大傳正義

人所以有姓者何所以崇恩愛厚親親遠禽獸別昏姻也故紀世別類使生相愛死相哀同姓不得相娶皆爲重人倫也姓者生也人稟天氣所以生者也所以有氏者何所以貴功德賤伎力或氏其官或氏其事閭其氏卽可知其德也或氏王父字者何所以別諸侯之後爲興滅國繼絕世也王者之子稱王子王者之孫稱王孫諸侯之子稱公子公子之子稱公孫公孫之子各以其王父字爲氏

班固白虎通

古者有姓有氏有族姓出於一百世不可易別其支派各取以爲號者謂之氏合而言其一派之所自出謂之族後世姓氏淆亂失其所從來今之所謂姓卻是古之所謂氏

呂祖謙左傳補說應八年

姓以繫百姓之正統氏以別子孫之旁出族則氏之所聚而已蓋別

姓則爲氏氏則有族族無不同氏氏有不同族故八元八愷出於高

陽氏高辛氏而謂之十六族是氏有不同族也商氏條氏徐氏之類

謂之六族陶氏施氏之類謂之七族宋氏華氏謂之戴族向氏謂之

桓族是族無不同氏也

王暉玉堂嘉話卷六。方以智通雅亦載此條謂古以國爲氏號故旁支謂之族

氏所以別貴賤貴者有氏賤者有名無氏古之詛辭多曰墜命亡氏

陪其國家亡氏與奪爵失國同可知其爲賤也言姓氏者皆本世本

公子譜二書二書皆本左傳

鄭樵通志畧氏族序

○居於姚墟者賜以姚居於

麻濱者賜以麻姬之得賜居於姬水也姜之得賜居於湊水也故曰

因生以賜姓

又

○公孫之子以王父字爲氏無字者以名魯孝公之

子曰公子展其孫則曰展無駭展禽鄭穆公之子曰公子豐其孫則

曰豐卷豐施王朝亦然王子狐之後爲狐氏王子朝之後爲朝氏是

也無字者以名然亦有不以字而以名者如樊皮字仲文其後以皮

爲氏伍員字子胥其後以員爲氏皆由以名行故也亦有不以王父
字爲氏而以父字爲氏者如公子遂之子曰公孫歸父字子家其後
爲子家氏是也又如公孫枝字子桑其後爲子桑氏者亦是也亦有
不以王父名爲氏而以父名爲氏者如公子牙之子曰公孫茲字戴
伯其後爲茲氏是也又如季公鉏字子彌其後爲公鉏氏者亦是也
以名字爲氏者不一而足左氏但記王父字而已以次爲氏者長幼
之次也伯仲叔季之類是也次亦爲字人生其始也皆以長幼呼及
乎往來旣多交親稍眾則長幼有不勝呼然後命字焉長幼之次可
行於家里而已此次與字之別也所以魯國三家皆以次命氏而亦
謂之字焉族近於次族者氏之別也以親別疎以小別大以異別同
以此別彼孟氏仲氏以兄弟別也伯氏叔氏以長少別也遂人之族
分而爲四商人之族分而爲七此枝分之別也齊有五王合而爲一

謂之五王氏楚有列宗合而爲一謂之列宗氏此同條之別也公孫
歸父字子家襄仲之子也歸父有二子一以王父字襄仲爲仲氏一
以父字子家爲子家氏公子郢字子南其後爲子南氏而復有子郢
氏共叔段之後有共氏又有叔氏又有段氏凡此類無非辨族又

氏族莫繁於古而知之者甚易氏族莫簡於今而知之者甚難三代
之時曰姓者統其祖考之所自出者也百世而不變者也曰氏者別
其子孫之所自分者也數世而一變者也枝分派別千塗萬轍初若
參錯紛亂而難考及徐而視之有綱有條猶指諸掌焉孟仲季臧東
門子叔同出於魯也游國豐印公父伯張同出於鄭也向華蕩樂麟
魚仲老同出於宋也樂高崔國叔仲東郭同出於齊也尋其流可以
知其源尋其葉可以知其根抑何易邪自秦漢以來氏族之制出於
上之所賜下之所更者絕無僅有至於世守一氏傳千餘年而不變

者天下皆是也其變非若古之屢其列非若古之多可謂簡而易知

矣然人罕有能辨氏族之源者蓋由譜牒之明與廢而已呂祖謙左氏博議

上古所稱氏是國號如陶唐氏有虞氏有夏氏有商氏氏族至周始有定名三代時

姓氏分爲二男子稱氏婦人稱姓氏以別貴賤姓以別昏姻故有同

姓異姓庶姓之別後世以氏爲姓無復分別矣方以智通雅

姓分爲氏者如魯與鄭皆姬姓此姓也而魯分桓公之子爲三桓一

爲仲孫一爲叔孫一爲季孫鄭分穆公之子爲七穆或爲罕氏或爲

駟氏或爲國氏此姓之分爲氏也乃魯又分三桓之後爲子服氏南

宮氏叔仲氏公彌氏鄭又分七穆之後爲游氏馬師氏子南氏少正

氏此氏之分爲族也則自姓而氏自氏而族歷歷分明毛奇齡經問

隱八年傳諸侯以字爲諡因以爲族陸氏槩按鄭康成駁五經異義

引此傳云諡當作氏傳寫誤也朱子曰以字爲氏如鄭之國氏本子

國之後馴氏本子馴之後是也

顧炎武杜解補正○愚按史記五帝本紀集解引鄭駁異義證作氏

諸侯以字爲諡諡當作氏傳寫之誤杜能解之謂或氏其王父字或卽先人之諡以爲族大誤也孔疏證春秋以諡爲氏者曲以宋戴惡衛齊惡二人當之考宋戴惡蓋宋戴公之後傳中稱戴族者是也非其臣之諡衛齊惡齊爲其臣之諡與否亦無定據按傳公問族於眾仲對曰以字爲氏因以爲族公命以字爲展氏傳文本是氏字甚明何須強解

傳遜左注辨誤

正義引服虔云公之母弟則以長幼爲氏貴嫡統也伯仲叔季是也庶公子則以配字爲氏尊公族也展氏臧氏是也玩服注諡爲氏之誤甚明

陳樹華集解攷正

○按正義則服虔本亦作以字爲氏

洪頤煊讀書記

○大夫書氏不書氏總論

小國無命大夫辨

以爲筆削褒貶辨

古者諸侯之卿命於天子春秋之時諸侯自命已賜族者則書族不

書族者未賜也賜族者皆命之世爲卿也

程子經說
隱二年

大夫未爵命于天子不氏春秋之初尙謹此也無駭翬扶柔溺宛詹之見隱桓莊篇是也自齊桓後列國皆命大夫無不稱族者蓋不復

請命于周也

呂本中集解隱
二年引許翰

無駭挾皆卿也無駭挾書卒不書氏以明未有族也柔溺皆卿也柔溺書會不書卒以明旣老不爲卿也卿者輔相公侯一國安危係之故必選賢德老而倦政則以禮致其事於朝春秋初遺法猶在其後國卿賜氏世爵而權臣執命之禍成矣

李明復集
義引謝湜

古者諸侯之卿大夫受命天子三命者氏再命者名隱桓之世猶有

以名見者僖文以後無復請命皆自賜氏此可以觀世變

程端學本
義隱元年

古者使以德爵以功大夫不世爵也春秋之初猶爲近古其後官人以世無不賜之族而賢德之選蔑如至於三家專魯六卿分晉職此

由也禮天子褒內諸侯世祿而不嗣然則諸侯之大夫嗣其位不易

豈禮也哉觀春秋所書是非之迹著矣治亂之效明矣

胡傳隱八年

僖公而後大夫皆書族且世爲卿是故魯有仲孫叔孫季孫臧孫齊

有高氏國氏崔氏陳氏衛有孫氏甯氏晉有卻氏欒氏韓氏趙氏魏

氏鄭有罕氏駟氏游氏皆世卿也先王禮制蕩然矣

呂大圭或問僖十六年

穀梁曰大夫不稱名姓者無命大夫也非也天子建國諸侯立家雖

尊卑不同而豈無命哉諸侯大國三卿皆命於天子次國三卿二卿

命于天子小國三卿一卿命于天子其於王朝皆士也三命以名氏

通再命名之一命畧稱人隱桓之間去西周末久制度頗有存者是

以魯有無駭柔俠鄭有宛詹秦楚多稱人至其晚節無不名氏通矣

而邾莒滕薛等日益削轉從小國之例稱人而已說者不知其故因

謂曹秦以下悉無大夫是不知王者之制度班爵也

劉敞權衡莊二十六年

魯之翬挾柔溺名見於經而其後無問是或不得族也士會之帑處秦者爲劉氏伍員之子在齊爲王孫氏外傳稱知果知伯之將滅自別其族爲輔氏如此之類皆是身自爲之非復君賜孔疏

春秋之初內大夫皆書名惟卒則稱公子於後則皆稱公子矣外大夫亦書名於後則外大夫皆書公子及氏矣弑君之賊皆書名於後則皆以氏見矣是時之變也呂大圭或問

自莊以前魯卿或獨書名或并書繫自僖以後無不書繫與族者列國之卿事接於魯或獨書名或并書族自僖以後無不書族與繫者僖以後列國之卿皆書族繫而楚椒秦術獨名自成以後楚卿無不書族與繫而吳札獨名此國勢邦交隨世以變而舊史因之者也獨書名者略之也并書繫與族者詳之也重其人則詳之輕其人則略之而先儒必求以筆削之旨是以終不可通

方苞直解隱元年。方說又見貶不氏駁辨門

春秋之卿大夫死則賜族公子牙卒而傳曰立叔孫氏是也亦有雖
爲卿而死竟不賜族者挾柔溺之後無聞者是也其未死而稱族者
華督傳稱立華氏則因弑君懼討賂諸侯而求爲此非例也其餘如
臧僖伯臧哀伯叔孫戴伯之徒皆傳家據後追書之耳

顧棟高大事表內大夫卒

門○春秋重世卿爲之立後則置氏非公族盡皆有氏也故春秋之

初魯之輦挾柔溺鄭之宛齊之年皆無氏

又姓氏表敘

三代之宗法原於封建蓋先王建樹屏藩其嫡長嗣世爲君支庶則
推恩列爲大夫掌國事食采邑稱公子某公子之子稱公孫公孫之
子以王父字爲氏世世不絕若異姓積功勞用爲卿世掌國政則各
以其官或以邑爲氏然此非先王令典也孟子曰立賢無方又曰士
無世官故春秋譏世卿世卿之禍小者淫侈越法隕世喪宗或族大
寵多權逼主上甚者厚施竊國陳氏篡齊三家分晉故世卿之禍幾

與封建等然論者謂先王親親報功之典於是乎在儀禮喪服傳曰
親親故尊祖尊祖故敬宗又曰大宗者收族者也不可以絕戴記謂
別子爲祖繼別爲宗有自卑而別于尊者則國君之支庶別爲大夫
所謂大夫不得祖諸侯者是也有自尊而別于卑者則單寒之庶姓
積功勞用爲卿子孫世世宗之者是也嗚呼先王之立法豈能百世
無弊哉在後之人因其勢而去其積甚者可矣由乎親親之義而言
之則展親睦族爲國毘輔而不能無尾大不掉之弊由于選賢之意
而言之則惟賢是擇不拘世類而亦有枝葉衰落之患惟使恩有所
止其疎者則齒於士族使各得以材能自進而其在位者則束之以
禮法使有大故不得免於罪戾用此權衡輕重雖傳諸百世豈有弊
哉以余觀春秋卿大夫其得失俱可概見晉懲驪姬之亂詛無畜羣
公子故文公諸子皆出仕於外晉無公子秉政者而權卒移於趙魏

晉之孟孫叔孫再世有大罪宜絕其屬籍而子孫仍列於貴位所以

卒兆乾侯之禍出彼入此厥害惟均惟楚之令尹俱以親公子爲之

一有罪則必誅不赦所以權不下替而國本盛彊又世系表敘

小國大夫不氏未有氏也大國之臣當春秋之初亦鮮氏以後皆專恣命

氏而小國終春秋不氏未能專命也觀莒君無諡足以徵矣高誘然澤經襄二十一年

○諸侯之子爲大夫稱公子公子之子稱公孫穀梁說辨筆削

公子者氏也諸侯之子稱公子公子之子稱公孫公羊何注隱三年

公子曰公子公子之子曰公孫公孫之子以王父字爲氏公子之尊

視大夫大夫三命則氏劉綬傳隱元年

穀梁曰言公子而不言大夫公子未命爲大夫者也然則凡公子未

命爲大夫皆得稱公子矣非也公子雖親然天下無生而貴者是以

命爲大夫則名氏得而通未命爲大夫則稱名不得稱公子觀小白

去疾可以見之矣

劉敞權衡莊二十二年

公子公孫亦必爲大夫賜氏乃有是稱未賜氏而爲大夫則但稱名與異姓之臣未賜族爲大夫者同公孫之子賜族而使之世爲大夫

則稱族

程公說分紀

凡公族必待命之爲三命之卿而後諸侯之子得氏之曰公子公子之子得氏之曰公孫公孫之子得氏之以其王父之字而曰某氏不然則雖公子公孫皆不得稱氏而況於公孫之後乎

吳徵纂言億十六年

繫公子公孫卽別子爲祖繼別爲宗之義未命則義全於子若弟故不繫以統於尊旣命則義兼夫臣故繫之以別小宗也以經所書合證之宣十七年書公弟叔肸卒與書公子某卒異文彼已命故繫公子同於族肸未命故但書弟也莊二十二年書陳人殺其公子御寇昭十四年書莒殺其公子意恢與書其大夫公子某異文彼已命此

未命也然則齊年鄭語衛黑背之承使秦鍼陳黃衛鱣宋辰之出奔鄭突曹赤之爭立或弟或名隨事立文而不繫公子爲未命則一也州吁無知不繫亦如之

高澗然釋經隱四年

無駭爲公子展之孫卒而不氏未賜族也夫慶父牙友之孫皆稱氏而公子展之孫不稱氏則必賜而後敢稱不賜而不敢稱可知矣氏必賜而後敢稱則不命爲公子而敢稱公子不命爲公孫而敢稱公孫乎若凡子不命而可稱公子凡子之子不命而可稱公孫則凡子之孫不賜族而可以王父之字爲稱矣何以無駭又不氏邪傳載眾仲之言曰天子建德因生以賜姓胙之土而命之氏諸侯以字爲諡因以爲族官有世功則有官族邑亦如之則知大夫而賜族者皆許其有後於國也其稱公子者及身而許其有後於國其子不待命之爲公孫而稱公孫其孫不待賜族而可以王父之字爲氏而稱氏此

慶父牙友之孫稱仲孫叔孫季孫不若公子展之孫不氏而稱無駭也通乎此則公子翬前不稱公子後稱公子可知矣慶父牙友之稱公子而許其世有後於魯可知矣齊侯之弟年鄭伯之弟語爲未命爲公子可知矣州吁不稱公子無知不稱公孫爲未許其世有後於國可知矣諸儒紛紛削公子書公子示貶示褻之義豈定論邪

張自超宗

朱辨義

○張氏說又見下魯公子翬條下

春秋稱時君之子曰子其先君之子必爲大夫乃稱公子所以然者公子乃國人尊奉其君之子之公稱故必爲國之大夫乃稱之未爲大夫則君之私屬止宜從其君私稱故曰某侯之兄某侯之弟齊年衛縶之類是也兄弟不爲大夫卽不稱公子而第以屬稱則凡先君之子不爲大夫與時君之屬少疏者必第以名見可知

葉西充遺
隱四年

愚按高氏張氏葉氏說是呂朴鄉曰稱公子者公子而非大夫也稱

大夫者大夫而非公子也稱大夫公子者公子而爲大夫也義本莊二十二年穀梁傳其實非也姜氏炳璋謂公子公孫是繫非氏不待於賜亦誤也劉吳張葉論之明矣

上世卿選賢德不必以公子公孫之貴旣不世官有老而不爲卿者矣春秋初猶爲近古自是以還官人以世經於卿卒書族以志變法亂紀之端而貽權臣執命之禍也

李明復集義引李參程氏舉

○益師公子爲卿

者卒書公子志其以公子專國政也王者不以官假人故宗室有富之以祿無私之以位有貴之以爵無寵之以政後世私勝害公恩過害義公子公孫以親得政所以權歸私室而亂亡隨之

又引謝湜俱隱元年

古者諸侯貢士天子命之還其國爲卿大夫蓋以賢選也春秋列國大夫惟取公族不以賢選故春秋書內卿之卒公子公弟公孫叔仲季孫無他姓者見專用公族而成三桓世執國政之勢也

黃仲炎通說隱元年

公子益
師卒

魯

公子彊穀梁說辨 公子翬左氏釋胡說辨 公子牙公

隱元年

公子益師

卒 孝公子字成父後為 眾氏益師生眾仲

稱公子者為卿也

高閭集注

○公子者先公之子也

毛奇齡傳

隱五年

公子彊

卒

孝公子臧僖伯生臧孫 達哀伯臧氏世預魯政

三命大夫也

葉夢得傳

○穀梁曰隱不爵命大夫曰公子彊何也先

君之大夫也非也隱雖讓國實魯君爵命大夫何不可哉

劉敞權衡

桓三年

公子翬

如齊逆女 魯大夫羽父系未詳

翬於此稱公子者先公之子命為正卿也

高閭集注

○杜氏曰公子

者當時之寵號

宣元年注

翬之稱公子也桓賜之也其終隱之篇不

稱公子者未賜也

顧炎武日知錄

○左氏曰修先君之好故曰公子非

也春秋非修先君之好而稱公子者多矣何必修先君之好乃

稱公子哉

劉儼權衡

○翬至是始進爲三命之卿故以氏見傳以前

帥師不氏爲疾其專命令逆女稱氏爲褒其修好並非

葉夢得左傳識

○伊川以爲前不稱公子隱之賊也後稱公子桓之黨也諸儒

多從之是天子削公子於未弑君之前書公子於弑君之後恐

後人不知其爲賊而故反其名實以發後人之疑使思而得之

也亦太曲矣何不書公子於未弑君之前削公子於弑君之後

爲更明白直捷乎蓋翬在隱時君眷未深已威未立未嘗命之

爲公子也桓感其戴已以公子命之史臣亦以公子書之矣隱

桓及莊之初年內大夫無駭柔溺皆不氏外大夫紀裂繻鄭宛

鄭詹皆不氏內而翬不稱公子外而齊侯之弟年鄭伯之弟語

不稱公子自翬稱公子而後三桓之子孫稱公子公孫久而外

亦稱公子公孫矣此世風之變終春秋之世強家悍族世專國

政有崛起者無非公子史臣依世變例雖欲不稱公子不稱氏
不可得也觀乎此則知史因世變而輦之前不稱公子非夫子
故削之後之稱公子非夫子故筆之明矣

張自超宗
朱辨義

莊二年

公子慶父

伐於餘邱

桓公子莊公庶兄傳
又曰仲慶父曰共仲

莊公庶兄也公羊以慶父牙友皆莊公母弟莊公時年十五計
慶父年歲未能統軍按傳曰孟氏經稱仲孫蓋慶父為庶長而
以仲為字子孫以字為氏是以經書仲孫時人以其庶長稱孟
故傳稱孟孫也劉炫云慶父自稱仲欲同於正適言己少次莊
公為三家之長故以莊公為伯而自稱仲

杜注
孔疏

○公羊以為母

弟杜氏以為庶兄然為弟則不當稱孟為兄則不當稱仲劉氏
之說理或然也

彙纂

○書公子書帥師志其得兵權也如以書

爵書人書名書氏書字為褒貶則書公子子慶父邪

張自超宗
朱辨義

莊三十二年 又如齊

閔二年 又出奔莒

莊三十二年 公子牙 卒 桓公子莊公弟叔孫信叔傳又曰叔牙

杜氏曰牙慶父同母弟友莊公母弟是慶父牙同母莊公與友

同母也李廉會通○公羊云不稱公弟殺也非也書公子命大夫常

例也不得引叔胥書弟以為義陸洎集傳辨疑

莊十九年 公子結 于野及齊宋盟 系未詳杜注魯大夫

愚按書公子是命大夫常例胡傳謂書公子而曰媵婦譏其以

貴戚臨禮之輕齊宋書爵而曰遂譏其以大夫當禮之重未是

莊二十五年 公子友 如陳 桓公子莊公母弟傳又曰季子曰季友曰成季

公子為大夫三命者例書公子某俞卓釋義○辨杜孔見不書弟門

莊二十七年 又如陳葬原仲

僖元年

又敗莒師

僖三年

又如齊蒞盟

僖七年

又如齊

僖十三年

又如齊

僖十六年

公子季友卒

舊說以書季爲生而賜氏顧氏辨之論見後

僖四年

公孫茲

魯侵陳

叔牙子叔孫戴伯公羊作
慈趙世曰茲乃慈省文

僖五年

又如年

侵陳已專兵又如牟其專曰熾仲孫叔孫之僭基於此
趙鵬飛經荃

僖十六年

又卒

僖十五年

公孫敖

會救徐

慶父子
孟穆伯

吾大夫之三命者也
葉夢得傳

文元年

又會晉侯于戚

文二年

又會盟垂澨

文五年

又如晉

文七年

又如莒滋盟

文八年

又如京師不至而復奔莒

文十四年

又卒于齊

僖二十八年

公子買戍衛魯大夫子叢系未詳

僖二十六年

公子遂如楚乞師莊公子傳又曰襄仲東門襄仲東門遂仲東門氏

僖二十七年

又入祀如齊

僖三十年

又如京師遂如晉

僖三十一年

又如晉

僖三十三年

又伐邾

文二年

又如齊納幣

文六年

又如晉

文八年

又盟衛雍盟暴

文九年

又會救鄭

文十一年

又如宋

文十六年

又及齊侯盟鄆邱

文十七年

又如齊

文十八年

又如齊

宣元年

又如齊送女

宣八年

又如齊至黃乃復

宣十年

公孫歸父如齊葬齊惠公

又伐杞取鄆

仲遂子傳又曰
子家曰東門氏

許翰襄陵集曰說者謂襄仲宣伯有罪當不氏而氏者為公逆女尊君命也按莊罔以來大夫無不氏雖大惡皆以此書何獨於一字而以其氏立義

宣十一年 又會齊伐莒

宣十四年 又會齊侯于穀

宣十五年 又會楚子于宋

宣十八年 又如晉還自晉奔齊

成二年 公孫嬰齊會戰鞏 文公孫叔肸子傳又曰聲伯子叔聲伯子叔嬰齊

成六年 又如晉

成八年 又如莒

成十七年 又卒

成十六年 公子偃被刺 偃鈕二公子公庶弟宣公子

昭十二年 公子慆出奔齊 傳又曰子仲系未詳。趙世曰公羊作整聲之謂

衛

僖三十年 公子瑕被殺 傳又曰子適系未詳按陳曙峰諸叔武子適子儀皆文公子成公弟

取立經年未會諸侯故不稱君杜○彙纂按見國君不稱君門

襄元年

公孫剽

來聘

子叔黑背之子穆公之孫傳又曰子叔

曹

公子首公穀說辨

公孫會公穀說辨

成二年

公子首

會戰鞏

首公穀作手趙坦曰鞏同假借也陸氏公羊言義一本作午

公羊云曹無大夫書公子手憂內也穀梁云以吾四大夫在焉

舉其貴也皆非也春秋豈黨內而輕重於外乎此與公孫會二

人之外其他無事不見于經不得云無大夫也陸道辨疑○曹

鄭同僭鄭亦伯也有大夫曹何以獨無大夫乎

劉敞懼衡

昭二十年

公孫會

自鄭出奔宋

宣公之孫于藏之子

公羊以為叛穀梁以為不叛公羊曰不書叛為公子欣時之後

諱也非也豈有賢其祖而諱其子孫惡者且大惡至叛君專地

猶為之諱乎穀梁曰曹無大夫其曰公孫言其以貴取之而不

以叛也非也臣不叛君常事爾何足哀哉劉陳權衡○欣時季札皆

讓國者以吳札不書公子為貶以曹會書公孫為褒以吳亂豫

貶札數十年前以會奔追褒欣時數十年後有是理乎朱睦㮮疑

蔡

襄八年

公子變為鄭獲莊公子傳又曰司馬變穀蔡變

襄二十年

又被殺公子履奔楚履亦莊公子變之母弟

襄二十七年

公孫歸生會于宋歸氏分紀文公子公子朝生

昭元年

又會于號

定四年

公孫姓滅沈公羊作歸姓趙坦曰左殺無歸字或闕文會歸者歸生生姓通假字

哀二年

公子駟被殺

哀三年

公孫獵被放

哀四年

公孫辰出奔吳公孫姓公孫霍被殺以上系皆未詳

蔡嘉謨世本朝補案曰蔡之卿族惟朝氏可收餘如公子嬰公孫姓公子駟公孫辰公孫魯其氏無攷蓋蔡多用公族為卿也鄭

宣二年

公子歸生

戰大棘

傳又日子家

宣四年

又執君

成三年

公子去疾

伐許

穆公子子良

後為良氏

成十四年

公子喜

伐許

穆公子子孺

後為孺氏

成十六年

又侵宋

成十五年

公子鮒

會鍾離

襄五年

公子發

來聘

穆公子子產之父子國也後為國氏

襄十年

公孫輒

伐宋

見下

襄十年

公子駟

公子發公孫輒

盜殺

排穆公子子駟後為駟氏輒穆公子

去疾之子子耳後為良氏。趙坦與文義曰駟為駟旁馬故字子駟公穀作斐聲之誤也

襄二十五年

公孫舍之

入陳

公子喜之

襄十四年

公孫蠆

會于向

會伐秦

穆公孫公子便之子

襄十九年

公子嘉

被殺

穆公孫子孔

後為游氏

襄二十五年

公孫夏

伐陳

公子駢之

後為士孔氏

襄二十九年

公孫段

會城杞

穆公孫子豐

即公

昭二年

公孫黑

被殺

公子駢之

後為豐氏

宋

成八年

公孫壽

來納幣

桓公孫公子蕩之

或謂納幣不當使公孫凡諸侯之大夫孰非公孫者昏禮稱父

兄師友父兄猶稱之而况公孫乎

劉敞意林

定十年

公子地

出奔陳

元公于公羊地作池趙坦

定十一年

又

自陳入于蕭以叛

日池地古皆讀若駮音通

經書公子地米公之弟辰傳亦稱公子地母弟辰是未嘗直指地爲景公弟也杜氏因辰有廷吾兄之說遂指地爲景公弟則何以一書公子一書弟乎蓋地雖爲景弟非同父之弟也

李鼎會通

陳公子御寇穀梁說辨 公子招公羊說辨

莊二十二年

公子御寇

被殺

宜公子御公穀作禦

左氏以爲太子張氏謂未誓于天子不稱世子然春秋時已無尊王命請誓世子者故經無未誓稱公子之義如書晉申生宋雍陳偃師亦未嘗誓于天子也春秋書公子只當以公子論不必論其實世子也

張自超宗朱辨義

○愚按穀梁曰言公子而不言大

夫公子未爲大夫也其曰公子何也公子之重視大夫非也命

爲大夫乃稱公子耳

宣十一年

公孫宿

楚納之子陳

傳文十七年伐宋見又曰孔甯見宣九年系未詳

昭元年

公子招會于號成公子哀公弟

公羊曰此陳侯之弟招也不稱弟貶也非也招罪在殺世子不

在會號豈迎其未然以為貶哉劉敞持衡招稱公子者方列數諸

侯之大夫不可獨曰陳侯之弟也崔子方經解○餘見不書弟門

昭八年

又被楚執放

又

公子留出奔鄭哀公庶子

偃師曰世子留曰公子別嫡庶也高閌集注○曰公子者留立於招

耳未成為君也蘇轍集解○偃師既書世子則留雖不書公子亦可

以知其為庶子矣然不如鄭突曹赤言去疾之書法書陳留者

以著前既未成為君後又不終為君始終公子而已張自超宗朱辨義

○書公子留對上世子偃師言殺者世子奔者公子而殺適立

庶之迹著矣蓋春秋屬辭各從其類如鄭忽曹驪以繫國著正

故突赤以不繫別之令偃師以世子著嫡故留以公子別之而
是時經書陳三公子各異招目陳侯之弟過目大夫則知留為
奪嫡之公子矣招放越仍稱公子亦不疑弟而未命矣高澍然釋經

又

公子過

被殺

君公說分紀成公四子曰哀公曰黃曰招曰過

定十四年

公孫佗人

偕楚滅頓

公羊作公子

系未詳

齊

公子商人胡傳說辨

文十四年

公子商人

弑君

桓公子說公也

州吁不稱公子商人稱公子因其無稱而不稱因其有稱而稱
之春秋原不以稱不稱示義也文定謂州吁以國氏者累土之
辭商人稱公子誅止其身其說曲矣張自起宗朱辨義○至是外大夫
無不命不氏族者故弑君者亦書繫與族舊史之文也方苞直解
楚公子嬰齊穀梁說辨

成二年

公子嬰齊

會于蜀

穆王子莊王弟子重

穀梁曰楚無大夫其曰公子何也嬰齊亢也傳以處父不書族

為亢今以書族為亢何自矛盾也

陸渙辨疑引啖助

○楚靈王稱公子

圍

昭元年傳

而又稱王子

襄二十九年傳

至平王時有王孫由余白勝則

遂稱王孫其弟曰王孫燕吳闔廬稱公子光至夫差而有王子

地王孫彌庸僭稱皆在晉失霸之後至於戰國無一不稱王子

者孟子之書亦有齊王子矣

張尙瑗穀梁折諸

成七年

又兩伐鄭

成九年

又伐莒伐吳

成十六年

公子側

被殺

嬰齊弟子反

襄五年

公子壬夫

被殺

子反弟子辛

襄二年

公子申

被殺

系未詳成六年以申息之師救燕見傳

襄五年

公子負伐陳 莊王子子穀後為襄氏

襄七年

又伐陳

襄十年

又伐宋

襄十二年

又伐宋

襄十八年

公子午伐鄭 莊王子子庚

襄二十二年

公子追舒被殺 莊王子子南後為子南氏

公子不為大夫者不稱公子既稱公子矣則其為大夫可知必以大夫書者公子親屬而其為國體之所係者大夫也文自不

得從省業百

昭元年

公子圍會于號 共王子麇王

又

公子比出奔晉 共王子子干

昭十三年

又自晉歸楚 伐君被殺

昭十一年 公子棄疾 圖蔡 共王子平王

昭十三年 又 殺公子比

非討賊也殺而代之也見此墮棄疾之謀以深罪棄疾也 高閔集注

定十四年 公子結 偕陳城頓 平王子子期

哀十年 又 伐陳

哀十三年 公子由 伐陳 平王子子西

莒 公子意欲殺梁說辨

昭十四年 公子意恢 被殺 黎比公之子

按穀梁云言公子不言大夫莒無大夫也非也公子即命大夫

穀梁又云莒無大夫曰公子意恢意恢賢也葉氏穀梁譏辨之

○公孫之子與異姓之臣賜族書氏未賜族不書氏 公子未命書弟兄另月

諸說見前總論

內外大夫未賜族不書氏

魯無駭公穀說詳杜說辨 羣左說辨 游左穀說辨

隱二年

無駭

入極

公子展之後駭穀梁作倭趙世日音義近古通用

不氏未賜族也於其卒賜族展氏杜注○當是公子展之子為公

孫以未三命不得書公孫羽父請而公命之者無駭之子左氏

誤以無駭為展之孫也葉夢得左傳○公羊以入為滅諱內惡書人

而去氏以貶之此亦去氏之義不得而強為之辭也穀梁既以

入解之又以為滅同姓貶去氏亦非也入則不得謂之滅春秋

文不害實改滅為人是不害實矣大夫未命不氏羣挾無駭皆

然以隱八年傳賜氏之說考之則公穀為無據矣劉敞權衡李康會通

隱八年

又卒

左羽父請諡與族公問族于眾仲對曰天子建德因生以賜姓

胙之士而命之氏諸侯以字為氏因以為族官有世功則有官族邑亦如之公命以字為展氏。杜氏以無駭為公孫之子誤也禮云公孫之子以王父字為氏展稱公子無駭稱公孫無駭之子未有稱也此所以請之也則無駭固公孫也如杜說則公孫之子死然後賜氏則無駭為終身無所氏矣劉敞權衡。穀梁謂隱攝位不爵命大夫非也傳稱司空是大夫特未賜族耳汪克不纂疏

隱四年 鞏帥師會伐鄭

再命之大夫也桓公時進為三命乃書氏吳澄纂言。○不稱公子未

命也桓公立乃為卿高澍然釋經。○左氏曰宋來乞師公辭之羽父

固請以行言曰軍帥師疾之也按春秋之初公室猶强若公實不許臣何敢固請而行蓋左氏不知未命不書族之義造此事端爾穀梁曰不稱公子貶其弑公也豈有未弑而先貶乎鞏自

禾命爾後有此義皆同

陸渚辨疑引
超匡咳助

○咳超辨駁極精經意重

在帥師不重疊之氏不氏言帥師則專兵可知隱公不能早罷

其兵權是以及禍與莊二年公子慶父宣二年鄭公子歸生之

書帥師同為炯戒書法不重公子與非公子也春秋之初諸侯

猶不自命大夫故多不氏莊公時始踰制故慶父稱族

顧棟高
大事表

隱九年

挾卒

二傳作俠趙坦異文箋曰音義通張壽恭
古義曰漢書叔孫通傳俠陸顏注俠同挾

○穀梁云所氏顏師古遂就篇注所所木聲古虞衡之官主

伐木遂以爲氏愚按所伐木聲本說文詩伐木許許許所字通

公羊俠者何吾大夫之未命者也○穀梁俠者所俠也范注俠

名所氏○公羊以爲未命是也穀梁隱不冒大夫之說非也隱

攝政會盟侵伐不絕書何以獨不主爵無駭之展氏非隱賜歟

卓爾康辨義
郝敬直解 ○凡卿書卒挾不氏而書卒與無駭同

程公說
分紀 ○

魯卿之嗣不見於經者三人然益師之後傳有衆仲無駭之後

傳有展禽展喜展瑕展莊叔展王父惟俠之後無見齊履諫統紀

桓十一年 柔會盟于折 按氏族譜柔溺皆公子

公羊同上。魯大夫未賜族者杜注

莊三年 溺會伐衛

公羊同上。溺不氏未賜族也後不書卒未為卿也春秋之初

公子未有以族世官觀柔溺生不賜族死不書卒而先王任官

擇賢遺風可見李昉復集義引謝湜。不書公子與無駭柔挾同未命爾

左穀以為貶然會仇讎伐同姓納衛朔抗天子直書其事而罪

自見不必以去氏示貶也顧棟高大事表

宣十七年 叔肸卒 文公子宣公弟

方氏高說見書諸侯兄弟門

衛州吁公羊說辨 晉胡傳說辨

隱四年

州吁弑君

莊公子州穀梁作祝趙
垣異文箋曰州祝聲轉

公羊云曷為以國氏當國也非也諸弑君稱公子是公子而為

大夫不稱公子是未為大夫

劉敞權衡

○不氏未三命爾如公羊說

弑君如宋督不氏謂之當國可平齊公子商人書氏謂之不當

國可乎

葉夢得公羊傳

○衛州吁齊無知宋督宋萬四人不書氏程

子謂聖人削之也身為大惡自絕於先君故削之大義既明於

初其後弑立者皆以屬稱立義各不同愚謂同一弑君前後何

忽異例此蓋未命不書族也春秋初諸侯猶不自命大夫如無

駭輦挾柔溺皆不稱公子初非以其弑君削之也莊公以後皆

自命大夫故其弑君亦稱公子此乃時世之異非聖人有意嚴

於前而寬於後也

顧棟高大事表

○餘見駁辨貶不書公子明

隱四年

晉

立為君

莊公子

晉不稱公子未三命也

葉夢得傳

○晉非衛人所得立文定本公穀

謂不承國於先君稟命於天子眾謂宜立而遂自立專有其國

罪也其說當矣獨謂絕其公子則非也不氏自未命而

顯棟高大事表

成十年

黑背

段鄭

穆公子定公弟字子叔子公孫也傳稱子叔是黑背之後氏子叔也

襄二十七年

鱗

出奔晉

定公子獻公弟

高氏說見前總論又見書諸侯弟兄門

昭二十年

繫

被殺

襄公子靈公兄其後氏公孟見下已賜族書氏

方氏郝氏說見書諸侯弟兄門

齊

無知胡傳說辨

隱七年

年

來聘

莊公子僖公弟夷仲年也子公孫無知其後以仲孫為氏見後齊仲孫條下

高說見前總論又見書諸侯弟兄門

莊九年

無知

被殺

見上

不命之卿也

陸游辨疑引趙臣

○顧說見上○文定以無知不稱公孫

罪信不以公孫之道待無知使春秋果有罪齊僖寵無知之義

當明書公孫以著其過弑之由不當反沒其實也且春秋於州

吁之爲公子無知之爲公孫未嘗於他事先見之於弑君書名

何以使人知其爲公子公孫而喻其削之之義邪

張自超宗朱辨義

按齊小白

莊九陽生

哀六不氏或以爲未命與傳稱公子不合方望

溪高兩農云公子入國爲君者皆不稱公子以別於大夫之復

國奔入者甚去疾例同其說得之見辨不書氏門另自爲例故

不列入又按齊糾

莊九

是子糾之脫文亦別見公子書子門

陳

桓六年

佗

被殺

文公子

義同衛州吁

襄二十三年

黃

奔楚歸陳

成公子哀公弟

高說見前總論又見書諸侯弟兄門

宋

桓二年

督弑君

命氏在弑君之後子孫
華氏見下已賜族書氏

按公羊注督未命大夫故國氏之疏謂舊本無此注且與下文何注違阮氏校勘記云當是別家注竄入者愚按穀梁注云采之卑者故以國氏正是未命之義兩說相合又左氏傳是年會稷立華氏杜注以爲賜族會在弑君之後亦弑君時未命之證

莊十二年

萬弑君

系未詳傳又曰南宮萬南宮長萬按穀
梁云以國氏非也辨見書弑君黃氏說

賈氏曰未賜族也正義辨之云傳稱南宮長萬則爲已氏南宮不得爲未賜族今攷春秋時族有不由君賜者如士會之孥處秦者爲劉氏伍員之子在齊爲王孫氏外傳智果自別其族爲輔氏則南宮之族或因所居之地以自稱如襄仲居東門曰東

門氏非由君賜亦未可知蓋南宮實非君賜之氏也

洪亮吉春秋左傳詁

定十四年

辰奔陳入于蕭以叛

元公子景公弟

高說見前總論

按成十五年宋殺其大夫山

杜注世系桓公子司城蕩生公孫壽壽子大司馬蕩也司城蕩意諸

應子蕩澤即山也

經不書氏傳日子山又曰蕩澤似澤名而子山字何以不書名而書字張氏辨之左氏公羊以為貶去族諸家辨之

或以為未命大夫則其時宋國桓族無不命者何以山獨不命

顧氏又辨之傳既難憑經或有闕故闕疑焉

說見辨不書氏門闕文門

按文二年書晉處父三年書晉陽處父或疑前為未命後為已

命然無証據近儒皆斷為闕文見內盟不目其人門今亦闕疑

鄭宛穀梁說辨 詹公穀說辨

隱元年

段克于鄆

武公子傳又曰太叔京城太叔共叔段太叔段

趙氏說見辨不書氏門

隱八年

宛來歸前系未詳

公羊宛者何鄭之微者也○宛鄭大夫不書氏未賜族杜注○穀

梁云名宛所以貶鄭伯非也魯為大國猶有未命大夫况鄭小

國其為不氏未命無疑劉微○穀梁以紀履緌名為進之鄭宛

名為貶之自相歧異葉夢得○鄭伯之事而貶宛失刑矣程頤

桓十一年

突歸鄭莊公子

方氏張氏說見辨不書氏門高說見前總論

桓十四年

語來盟莊公子厲公弟傳曰子人其後為子人氏

高說見前總論

莊十七年

詹為齊執公羊作瞻趙坦曰詹詹自齊逃來詹古今字系未詳

詹不氏未命也孫復尊○公穀但見書名疑微者不得書遂指

之為佞人夫鄭宛邾快莒奉術何嘗不得見經而獨疑於詹
平按甯母之會鄭子華請去鄭三氏管仲謂鄭有叔詹堵叔師
叔三良為政未可問也則詹未可謂佞人也葉夢得○以為微者
非也春秋未有微者得書於經者詹乃未命大夫程頤學○若
是微者則權不足以主鄭事無用執之也張自超宗
紀履綸穀梁說辨

隱二年

履綸來逆女

此穀梁文左作裂繻公作履綸趙坦曰裂履聲轉繻綸古今字

左卿為君逆也○非命卿皆書名程子○春秋初大夫恒稱人

必有好事於諸侯則書其大夫已命氏之未命名之陳傳良○

穀梁曰以國氏者為其來交接於我故進之非也昏姻聘使往

來常耳何妄得進之劉敞○大夫不氏則書名而已非謂不氏

其氏而以國為氏也而公穀每為國氏之說皆無義理葉夢得

曹

莊二十四年 赤歸于曹 莊公子

義同鄭突高說見前總論

莒

莊二十七年 慶來逆叔姬

僖二十五年 又會盟于洮

莒慶不稱氏未賜族杜注○不氏小國無命卿也高問集注

僖元年 挈被獲 莒子之弟杜注不書弟非卿 寧公羊古木作茹

昭五年 牟夷以邑來奔

按莒去疾不稱公子昭元義別說見上

邾

文十四年 捷菑晉納 文公庶子公羊捷作接 趙坦曰捷接音同義通

襄二十一年 庶其 以邑來奔

春秋小國大夫不書微也以事接我則名之 胡

襄二十三年 卑我 來奔 公羊作鼻我趙坦曰假音字也公羊古義云古鼻界同音

昭二十七年 快 來奔

昭三十一年 黑肱 以邑來奔 肱公羊作弓趙坦曰以音近而譌也

秦 術公羊說辨

文十二年 術 來聘 公羊作遂傳稱西乞術林寶元和姓纂秦將軍百里術字西乞孫以王父字氏

公羊曰秦大夫也秦無大夫此何以書賢繆公也何賢乎繆公

以為能變也按外大夫未命皆書名無他義 陸渚辨疑 ○公羊以為

賢繆公而不知遣術乃康公也 汪克寬纂疏引王葆 ○孫說見下楚椒

昭元年 鍼 奔晉 桓公子景公弟

高說見前總論

楚椒公羊說辨

僖二十一年 宜申 來獻捷 元和姓纂若敖之後闕班子伯比孫子文世為楚卿○宜申系未詳

闕氏司馬子西也不書族與椒同 汪克寬纂疏引王沿箋義

文十年 又被殺

僖二十八年 得臣 被殺 成氏○子玉若敖之曾孫見晉語注僖二十三年為令尹子大心亦令尹

文九年 椒來聘 穀梁作菽○闕椒字伯芬一字子越子良之子闕伯比之孫伯比若敖之子○

王引之周秦名字解故曰椒字伯芬芬古字通穀梁作菽釋文或作菽按菽菽椒古並通

公羊曰楚大夫也楚無大夫此何以書始有大夫也穀梁曰楚

無大夫其曰菽何也以其來我喪之也按未命之卿來魯皆書

名無他義 陸渙辨疑 ○椒未命故不氏秦術吳札同 孫復尊王發微 ○愚按

趙東山謂椒不氏札不稱公子吳楚之有大夫未盡同中國也

此義尙欠分析吳札當中國大夫無不書氏之後而不稱公子

謂夷禮未同可也若楚椒秦衍在春秋初正與中國未命者同

吳

襄二十九年

札

來聘

義見上○史記壽夢子長諸樊次餘祭次餘昧次季札按季札襄十四年見傳

內外大夫已賜族書氏

魯

書氏見經者單氏夷氏臧孫氏仲氏叔氏仲孫氏叔孫氏季孫氏

○單伯夷伯左說辨仲嬰齊公羊說辨

莊元年

單伯

逆王姬

左氏云王使單伯如齊非也若單伯為周大夫何以明年書單

伯至自齊乎

劉敞權衡

○左氏以為周大夫故以逆為送然以書會

書至例攷之實是魯臣當從公穀

彙纂案

○單伯魯之命卿其出

自何族雖無可考而可以鄭之祭仲例之也

高澍然釋經文十四年

○單

伯凡三見非必是一人但繼其職者則稱單伯爾

姚舜牧疑問

莊十四年

又

會伐宋

此公使單伯會伐宋也三國稱人獨書單伯者吾大夫不可言

魯人故也

孫復尊王發微

○左氏以爲王臣杜氏附會謂齊請師而王

臣會之誤矣若爲王臣當書曰天王使單伯會伐宋今先書春

齊陳曹伐宋則知齊主兵也夏單伯會伐宋則知魯臣會伐也

與隱四年宋主兵而翬會伐辭同則爲魯臣確矣周有單子非

單伯也

俞畢釋義

○左氏非也成十六十七年尹子單子三會伐鄭

不書會伐定四年侵楚亦書公會劉子則此書單伯會伐爲魯

大夫明矣

日講解義

又

又會于鄆

若是王臣應書單伯齊侯會于鄆何得屬會於單伯則爲內臣

明矣

鄭王闕疑

○劉李說見內大夫會諸侯門

文十四年

又

如齊齊執之

左氏以爲周大夫何以明年書單伯至自齊乎劉敞權衡○自莊元

年至是八十餘年未必一人或其子若孫歟張洽集注○如晉樂書

樂懸父子同稱樂伯士渥濁士彌牟祖孫同稱士伯世稱之也

春秋因其本稱而稱之若高子是也正克寬纂

文十五年 又至自齊

僖十五年 夷伯震夷伯之廟

左氏云展氏有隱隱如此則夷爲展氏之諡非也君前臣名縱

不可名之猶當繫字於氏豈有稱其諡遂舍其族哉君繫諡於

國臣必繫字於氏別尊卑也原仲裔子皆繫氏臣無有舉諡於

君側者也劉敞權衡○全經未有書大夫之諡者夷當從劉說作氏

案○夷氏伯名杜注展氏夷諡非也原仲何以不稱諡也或

曰字亦非也春秋無書字之法或曰大夫沒稱諡若字禮也然

而春秋無大夫稱諡若字者也謂原仲亦字非也

郝懿行說略

○是

夷氏非展氏也若是展氏柳下惠之聖何至有隱隱為天所罰

顧棟高大事表

○唐書宰相世系表魯孝公子夷伯展以展為夷伯亦

誤補釋

○愚按陸氏繫附注辨鄭樵氏族略公子展之子公

孫夷伯其孫展無駭之說為妄是矣仍以為展氏祖父則非也

莊二十八年

臧孫辰告

公子彊字子臧孝公子僖伯見隱五年經傳其孫始氏臧即文仲也

莊三十八年正義引世本孝公生僖伯彊彊生哀伯達達生伯氏瓶瓶生文仲辰○愚按彊之孫以王父字為氏而左傳於彊即稱臧僖伯於達即稱臧哀伯蓋傳家追書也見前總論服虔云庶公子以配字為氏尊公族展氏臧氏是也禮記大傳正義言庶子以二十字為氏亦舉展氏臧氏為証據此則以字氏之說可信姓纂通志略謂以邑氏恐誤

文十年

又

成元年

臧孫許

盟赤棘辰之子宣叔

成二年

又會戰筆

成四年

又卒

襄二十三年

臧孫紇

出奔邾

許之子武仲

臧氏世爲司寇主兵賦如宣叔命修賦繕完及毀中軍成諸臧

氏是也出爲軍帥卻克伐齊宣叔爲道是也

馬宗璣左傳補注臧紇救邾

成十五年

仲嬰齊

卒

仲遂子公孫歸父弟

按公子遂亦稱仲遂亦稱東門襄仲至嬰齊始以仲爲氏宋儒以仲遂爲生而賜氏非也顧氏辨見後○公孫歸父奔齊仲遂之後遂絕魯不欲絕仲遂之後使嬰齊後之故曰仲嬰齊孫覺經解○公羊謂嬰齊爲兄後何休以爲弟無後兄之義孫氏覺謂命嬰齊後仲遂故曰仲嬰齊非爲歸父後也其說勝胡傳或曰歸父嬰齊均仲遂子何以於歸父書公孫於嬰齊書仲夫襄仲一人之身公子遂仲遂先後異稱而又何疑於歸父嬰齊乎蓋以

父字爲氏非禮也故於其生也書曰公子公孫從其本稱也而於其卒也繫之以氏則所以著其以父字爲氏之非禮也

案

○遂與行父比而爲逆歸父欲去三桓故逐歸父而立嬰齊以

後仲遂一逐一立皆行父操之也

御纂直解

○嬰齊後仲遂非後

歸父猶之叔孫僑如奔而立豹也傳拘於孫以王父字爲氏之

說而以爲弟後兄亂昭穆矣非也

顧炎武日知錄

○公羊謂後歸父非

也歸父欲去三家乃季氏之仇豈爲立後而於襄仲固無嫌也

其後襄仲而不後歸父斷斷明矣

顧棟高國體表

○薛魯叔曰公羊說

蓋泥孫以王父字爲氏之文也夫命氏至春秋素矣豐施之爲

豐以公子豐孫仲之爲孫以公子惠孫則以王父名爲氏者也

慶封之爲慶以慶父驍之爲驍以公子驍施伯之爲施以公

子施父是以父之字爲氏也胥甲父之爲胥以胥臣是又以父

之名爲氏也氏不必王父嬰齊何必後歸父乃得氏仲邪且歸父自有後子家其字也子家歸父之孫此正以王父字爲氏也以此益知嬰齊之後遂不後歸父也

姜炳璋讀左補義

○嬰齊不稱

公孫而稱仲者以襄仲卒時賜氏以仲故宣八年書仲遂卒于垂蓋賜氏不必王父卽本身之字亦可賜但生不賜氏必身死而後賜之宣公德仲立已乘仲之死而賜氏焉觀仲遂之子稱仲嬰齊明是父子相承之氏公羊但知孫以王父字爲氏造爲嬰齊繼歸父之說夫歸父奔齊並未絕嗣原不必爲後卽欲爲後亦無弟爲兄後子爲父孫之理

毛奇齡傳○愚按顧氏辨舊說謂無生而賜氏之事得毛氏此論而平協矣

○方氏苞謂是時魯有二嬰齊皆公孫此若書公孫

與十七年卒者無別故魯人別其稱而舊史因之

說本非也卿

卒皆書氏而嬰齊獨以與人同名變而書字則非義所安若二

嬰齊果皆公孫氏於其卒皆書公孫嬰齊亦何嫌為非兩人而

必瑣瑣然別之也却路行說略

襄十四年

叔老

會同

文公子叔肸惠伯子公孫嬰齊聲伯也嬰齊子叔老始以叔氏書齊子也

叔氏傳亦稱子叔嬰齊日子叔聲伯成叔老日子叔齊子襄十四

叔弓日子叔子昭日子叔敬叔成叔輒日子叔昭二檀弓正義

云子是男子通稱故以子冠叔也樂履繩補釋止一○宣弟叔肸之為

叔氏猶桓弟季友為季氏僖弟仲遂為仲氏大宗之後世為宗

卿也毛奇齡屬辭此事記

襄十六年

又

會伐許如齊

襄二十二年又卒

襄三十年

叔弓

如宋葬宋共姬叔老子

昭元年

又

驪驪田如晉

昭五年

又敗莒師

昭八年

又如楚

昭九年

又伐莒子于陝

昭十三年

又如宋葬宋平公

昭十五年

又卒

昭二十一年

叔輒卒 叔弓于伯張。輒公羊作座釋文

昭二十二年

叔鞅如京師葬景王 弓子輒弟

昭二十五年

叔詣會黃父 鞅子公穀作倪趙坦曰音近而誤

定十一年

叔還如鄭蒞盟 孔疏据世本叔弓生定伯閱問

哀六年

又會吳于柵 還卒于獲麟後子叔青見傳嫁十

宣九年

仲孫蔑如京師 莊公庶兄公子慶父共仲庶長

時人以其庶長稱孟故傳稱孟孫慶父之子公孫敖是為孟穆伯

孟伯俱長也禮緯云庶長稱孟然則適妻之子長者稱伯妾子長於妻子則稱爲孟所以別適庶也趙盾亦庶長子孫恒稱孟

宣十五年

又會無妻

成六年

又如宋侵宋

成十八年

又會盟虛打

襄元年

又會圍彭城
會伐鄭次郟

襄五年

又兩會于戚
會吳

襄十九年

又卒

襄二十年

仲孫速會莒盟向
伐邾
莒子莊子

襄二十三年

又卒

襄二十四年

仲孫羯侵齊
速庶子孝伯公羊
作偶又作羯亦作羯

襄二十九年

又如晉
會城杞如晉

襄三十一年

又卒

昭九年

仲孫獲如齊 子子子

昭十年

又伐莒 會盟侵祚

昭二十四年

又卒

昭三十二年

仲孫何忌 會滅成周 獲子懿子

定三年

又盟于拔 圍鄆

定十年

又侵衛 兩圍郕

定十二年

又墮費

哀三年

又伐邾 又伐邾 取田盟句繹

何忌卒獲麟之後子武伯疑即孟孺子洩見哀十一年傳武伯子孟敬子獲見論語俱不見經○蔑子子服它別為子服氏

文元年

叔孫得臣 如京師 慶父同母弟公子牙德叔之孫公孫茲戴伯之子莊叔

文九年

又會伐沈 如京師葬襄王

文十八年

又敗狄 如齊

宣五年

又卒

成二年

叔孫僑如會戰鞌

得臣二子僑如豹
僑如傳曰宣伯

成五年

又圍棘
會于穀

成八年

又侵宋
會伐鄭

成十四年

又如齊
如齊逆女

成十六年

又出奔齊
召豹于齊立之
如宋 僑如弟穆子

襄二年

叔孫豹

襄三年

又難得盟諸侯之大夫
如晉

襄五年

又如晉
如邾

襄十四年

又會伐秦
城成邦

襄十九年

又如晉
會于柯

襄二十三年

又如晉
如京師

襄二十七年

又曾子朱

昭四年

又卒

昭七年

叔孫婁

如齊蒞盟

豹庶子昭子公羊舍趙坦日唐顏正姑轉上聲則音舍

昭十年

又

如晉葬晉平公

昭二十三年

又

如晉又被執

昭二十五年

又

如宋卒

定五年

叔孫不敢

卒

姑子成子

定十年

叔孫州仇

兩圍邱

如齊

不敢子武叔

哀三年

又

伐邾盟句繹城啟陽

圍邾

州仇卒不見經子舒見傳十六

文十一年

叔仲彭生

會承筐

叔牙孫惠伯別為叔仲氏世本武仲休生彭

文十四年

又

伐邾

經書叔彭生脫仲字阮氏元据釋文石經宋本洪氏亮吉据通化本皆無仲字

惠伯孫叔仲昭伯帶為經正見襄七年傳帶子叔仲穆子小見昭十二年傳帶之孫叔仲志見定八年傳皆不見經

內外大夫已賜族書氏

文六年 季孫行父如陳 莊公母弟季友之孫 無佚之子文子也

文十二年 又城諸及鄆 雨如晉

文十六年 又會陽穀 如齊

宣十年 又如齊 如濟

成二年 六年 又會戰筆 如晉 如宋致女

成十一年 又如晉 為晉執 及晉卻犇盟

襄五年 又卒

襄七年 季孫宿如晉 如衛 行父子武子

襄九年 又如晉 如邢邱

襄十二年 又救台入郛

襄十四年 又會于向于戚 城成郛

襄二十年 又如晉 如尖

昭六年

又如晉

昭七年

又卒

長子公彌別為公鉏氏少子從即

昭十年

季孫意如

伐莒

宿孫平子○公羊作隱如趙坦曰齊人謂殿為衣齊語聲誤也

昭十三年

又

會戰於

昭十六年

又

會適歷

定五年

又卒

定六年

季孫斯如晉

意如子桓子

定八年

又

侵衛

哀三年

又

城啟陽

卒

子肥嗣為大夫康子也卒于哀二十七年

康子之曾孫昭子強見禮弓均不見經

素嘉謨世本輯補案曰春秋例非卿不書魯自成襄以來有下卿季孫氏叔孫氏仲孫氏臧孫氏叔氏聘會奔卒並書于經

衛氏公叔氏公孟氏又元恒趙陽二人系未詳

僖二十六年

甯速

盟于向

衛正卿穆仲靜之子武公會孫跪之孫公羊作邀莊六年甯跪見傳

速證莊子通志略武公生季食食采于甯因以為氏

文四年

甯俞

來聘

速子武子○段玉裁左氏古經注曰徐彥曰公羊正本作甯速賈氏從之

按甯速見僖二十六年乃莊子也僖二十八年三十年左傳所記皆武子事則來聘者必武子矣公羊非也

襄元年

甯殖

會圍彭城

俞子相相子殖惠子也

襄六年

又會侵鄭

會伐許

殖子悼子

襄二十六年

甯喜

弑君

殖子悼子

襄二十七年

又被殺

二十五

年傳曰九世卿族一朝而滅之杜注甯氏出衛武公至喜九世

宣七年

孫良夫

來盟

按唐書宰相世系表孫氏出自衛武公生公子惠孫惠孫生耳為衛

上卿食采于戚生武仲乙以王父字為氏乙生昭子炎炎生莊子紇紇生宣子鮪鮪生桓子良夫與孔疏武公至林父八世之說合鄧名世姓氏書世數亦與唐表同文元年昭子見傳哀二十六年傳昔成公孫子陳甯武子孫莊子為宛濮之盟而君入

成二年

又

戰于鞌

新築

成三年

又伐麇若如來聘及盟

成六年

又侵宋

成七年

孫林父出奔晉

良夫子文子傳曰是先君宗卿之嗣也孔疏武公至林父八世

成十四年

又自晉歸于衛會鍾離

襄二年

又兩會于戚

襄七年

又會吳于善道來聘

襄十四年

又會于戚伐齊

襄二十六年

又入于戚以叛

襄十年傳孫蒯獲鄭皇耳二十六年傳孫嘉勝于齊孫襄居守三人皆林父子

宣六年

孫免侵陳系未詳

衛卿莫強於孫氏而孫免首以名見固衛政逮下之始亦林父

出君之漸

高樹然釋經

宣十四年

孔達

被殺

系未詳達文元年見傳達孫成子烝組見成十四年傳衛侯有疾使孔成

子甯惠子立敬熈之子衍烝組于羈見昭七年傳孔成子夢康叔謂己立元余使羈之孫罔相之○程氏分紀孔嬰齊生達按

嬰齊見閔二年傳達諡莊子○鄭名世辨證衛孔氏出自姑姓孔嬰齊仕衛為大夫陳孔氏出自媯姓公孫甯謂之孔甯後有

孔氏鄭孔氏有孔叔孔將組不知其所出又有穆公子嘉之後氏孔梁履繩補澤潛夫論以衛孔氏為衛同姓則孔圉何以娶

劉賁之姊據哀十一年孔文子以孔姑妻太叔疾是知孔氏乃姑姓禮記正義謂為異姓大夫是矣晉夫論誤

定四年

孔圉

伐解康

羈之孫公羊作罔趙坦曰古字通○圉子慍見哀十五十六年傳

襄十七年

石買

伐曹

石碯子厚並見隱四年傳碯四世孫成子穆見成二年傳買穆子共子也

○通志略石碯靖伯之孫碯有大功于衛世為衛大夫又據晉鄭有字伯石子石者謂此亦必以字氏路史則云邑氏非字氏

孫劓欲伐曹買為之役石碯討賊而買黨賊愧其祖矣御纂

襄二十七年

石惡

會于宋出奔晉

買子悼子傳云立其仲子圖以守石氏之祖

哀三年

石曼姑

圖成

惡子○哀十八年傳逐石圖而復石曼曼姑子

成十七年

北宮括

侵鄭

成公會孫○公羊作結趙坦曰字也○元和姓纂衛公侯頃子生

襄十四年

又會伐秦

去疾孫括鄒名世姓氏書括別以所居為北宮氏世為衛卿

昭十一年

北宮佗

會厥慙

隱文子襄三十年傳杜注佗括之子

昭二十五年

北宮喜

會黃父

佗子貞子

定七年

北宮結

被齊執

喜子

襄二十九年

世叔儀

會城杞

僖侯入世孫文子別為世叔氏世或作太古通儀公羊作齊誤

昭三十二年

世叔申

會城成周

杜注儀之孫或云即太叔懿子按懿子見哀十一年傳

哀十一年

世叔齊

出奔宋

悼子傳作太叔疾梁履繩曰當是名齊字疾

定十四年

公叔戌

來奔

公叔發見襄二十九年傳按繩弓公叔文子卒其子戌請諡鄭注文

子獻公孫名拔或作發論語疏引世本獻公生成子當當生拔拔生朱為公叔氏又按繩弓有公叔木鄭注當作朱春秋作成○梁履繩補釋引萬氏氏族略曰公子當字公叔見通志略當生拔即公叔發也以父字為氏世本云朱始氏公叔非也

定十二年

公孟彊

伐曹

杜注孟彊子昭七年傳衛襄公嬖人嬖始生孟彊孔疏此實公孫而

不稱公孫者繫字公孟故即以爲氏顧氏棟高曰春秋之季如衛之子叔公孟宋之石氏皆以父字為族蓋賜氏之法漸替○

按杜預世族諸繫無子靈公以其子靈為之後隱八年孔疏引世本亦謂靈公之子而以公孟為靈字與杜不合鄧名世杜氏書辨證又以張為繫孫謂繫以疾不得嗣孫驅以王父字為氏未知何所據

定十三年

又伐曹

出奔鄭

哀十年

又

白齊歸于衛

僖三十年

元咺

出奔晉

系未詳。通志略咺食邑於元

昭元年

齊惡

會于莒

系未詳。公說分紀宣公子頑

豹。公羊作石惡毛氏簡書刊誤曰當是公羊傳寫之誤

定十四年

趙陽

出奔宋

系未詳。杜注趙陽孫孔疏引世

繫也。毛氏前書刊誤曰趙陽衛大夫王符潛夫論

正義据世本有明證公穀改衛作晉誤趙氏為衛公族

僖十年

荀息

被殺

二年。傳其後無攷通志略晉公族

高士奇地名攷略桓九年傳荀侯賈伯伐曲沃杜注荀國名孔疏世本荀侯皆姬姓盛晉滅之以賜其大夫故晉有荀氏賈氏

漢地理志扶風梅邑注引此傳作鄠侯臣讀曰汲郡古文晉武公滅荀瑒大夫原氏雖是為荀叔然則荀當在晉境內不得在扶風也今河東有荀城古荀國師古曰增說是也江永地理考實亦據漢書注謂荀與鄠異

宣九年

荀林父

伐陳

僖二十八年晉作三行林父將中行故其後為中行氏○史記趙世家

宣十二年

又戰于邲

家索隱晉大夫逝敖生桓伯林父

成三年

荀庚

來聘及盟

林父子中行宣子

成五年

荀首

會于穀

林父弟別食知邑其後為知氏○首公羊作秀趙世曰聲之誤

成十七年

荀偃

來乞師

首子知武子

襄

元年

二年

又來聘

兩會于戚

襄十四年

荀偃

伐秦

庚子中行獻子

襄二十六年

荀吳

來聘

偃子中行穆子

昭元年

又敗狄

昭十五年

又

伐鮮虞

陸渾之戎

襄二十九年 荀盈 會城祀 晉子知悼子按左傳杜注瑩長子知朔盈弟也盈生而院死

昭三十一年 荀躒 會適歷 盈子知文子。公羊作標趙坦曰通假字

定十三年 荀寅 入邑叛 吳子中行文子哀五年奔齊

躒子知宣子甲見晉語躒孫知襄子瑤見哀二十三年傳。以荀為氏見經年蓋荀氏皆其後雖分中行知二族經皆書荀

成六年 欒書 救鄭 桓二年傳晉封桓叔于曲沃靖侯之

父公孫為傅相也孔疏其後為欒氏蓋其父字欒按寅子成兵叔見桓三年傳成子枝見僖二十七年傳枝子盾見文十二年

傳書盾之子武子也宣十二年見傳至是見經。愚按世本欒寅之父欒叔寅及子共叔桓二三年見傳彙纂引杜注欒晉地

晉大夫欒氏封邑今直隸正定府欒城縣顧氏大事表都邑門疑其說今按此年杜無此注謂欒為晉地者哀四年傳齊伐晉

取欒注也江氏考實曰今正定府之欒城去晉遠曲沃桓叔時已有欒賓春秋初未能擴地至此當從孔疏以字氏非邑氏

成八年 又 伐蔡 侵鄭

成十六年 欒黶 來乞師 書子桓子弟鍼見襄十四年傳

襄元年 又 會圍彭城

襄二十三年 欒盈出奔楚復入晉

文十一年 卻缺會承筐 通志略郤氏晉公族晉大夫卻文子食邑于郤按郤卻同世本卻豹

即晉語之卻叔虎文子其諡也子芮芮子缺信三十三年傳以一命命卻缺為卿宣八年傳卻缺為政缺諡成子

文十五年 又入秦

宣九年 又救鄭

成三年 卻克戰于鞏 伐厲咎如 缺子獻子

成十六年 卻犇來聘及盟 苦成叔也孔疏克從祖昆弟世本豹生義義生步揚步揚生州

州即犇也步揚御戎見信十五年傳○公羊作州趙坦曰州犇音近假音字

成十三年 卻錡來乞師 駒伯也克子

成十七年 卻錡卻犇卻至被殺 至溫季也克族子孔疏世本步揚子蒲城鵠居生至

宣元年 胥甲父被放 信二十三年傳從者司空季子杜注胥臣曰季也臣子甲即甲父

成十八年 胥童被殺 甲父放立子克又廢童克子○晉語作胥之昧字也洪亮吉日童有味義

文七年

先蔑奔秦

系未詳○蔑僖二十八年始見傳○蔑公穀作昧趙坦曰音義通

文九年

先都被殺

系未詳

宣十三年

先穀被殺

按杜注先軫子且居且居子克陳氏厚驥曰穀疑係先克子程公說分記

先丹木生軫二子穀且居穀生辛且居生克二說不同○傳又曰穀子穀季原穀按先軫亦稱原軫先原穀皆采地通志略先氏與范氏同祖隱叔初封于先故以為氏軫又食采于原穀又食采于鮮秦嘉謨世本輯補氏姓篇案曰路史後紀注以先氏為晉後通志略以為士氏別族以經考之則羅莘之說較可信左氏昭三年傳云欒卻胥原狐續慶伯降在卑隸下即云公室之衰其何日之有又云公室將卑其宗族枝葉先落而後公室從之是八氏皆公族也原氏即先氏按晉語敘文公入國屬百官賦職任功胥籍狐箕欒卻柏先羊舌董韓宣實掌近官諸姬之良掌其中官異姓之能掌其遠官蓋胥籍以下諸人兼同姓異姓在焉

文六年

狐射姑

出奔狄

晉語狐姬伯行之子也實生重耳閔二年傳杜注狐突伯行重

耳外祖父也突之子毛及偃從重耳見僖二十三年傳偃字子犯毛子為溫大夫見僖三十五年傳射姑偃之子賈季也按莊二十八年傳孔疏狐氏出自唐叔元和姓纂周同姓居於戎○穀梁作夜姑趙坦曰射夜假音字

成八年

韓穿

來言汝陽田

系未詳○史記韓世家韓之

襄元年

韓厥 伐鄭

宣十二年孔疏世本桓叔生子萬萬

為萬之曾孫按史記索隱引世本萬生昧伯昧伯生定伯簡簡
生與與生厥則厥乃萬之元孫與孔疏所述服杜之說合孔疏
所引世本脫一代耳桓三年傳曲沃武公伐翼韓萬御戎杜注
文侯弟成師桓叔桓叔之子曲沃莊伯武公莊伯子也韓萬莊
伯弟也僖十五年傳韓簡視師杜注韓萬之孫成二年傳韓
厥夢子與謂已杜注子與韓厥父厥獻子也成十八年為政

昭二年

韓起 來聘

成十八年韓無忌厥長子襄七年獻
子告老將立無忌讓弟起是為宣子

昭十一年

又會厥慙

昭三十二年

韓不信

會城成周

昭二年傳韓須杜注起子是
年注起之孫也諡簡子○梁

履繩補釋曰不信字伯音見是年傳中不信當是須之子須未
及為卿先卒不信代立者也史記韓世家宣子生貞子貞子生
簡子則須
即貞子與

按史記簡子傳莊子康子武子至武
子之子虔分晉為當侯是為景侯

文八年

趙盾 盟衡雍

史記造父幸於周穆王賜以趙城
由此為趙氏七世至叔帶去周如

晉事晉文侯又五世至趙夙閔元年傳賜趙夙耿杜注夙趙衰兄衰從重耳見僖二十三年傳成子也盾衰子宣子也文六年為政二顧棟高世系表晉語云趙衰先君之戎御趙夙之弟也韋注衰公明之少子史記以衰為夙孫世本以衰為夙子並誤

文十四年 又盟新城

宣元年 二年 又救陳 紆君 侵陳

宣元年 趙穿 侵崇 文十二年傳趙有側室曰穿杜注趙

昆弟之子別為邯鄲氏穿子旃旃子勝亦稱邯鄲勝見魯語勝之子邯鄲午見定十年傳

成八年 趙同趙括 被殺 衰子盾弟僖二十四年傳文

襄二十七年 趙武 會于宋 盾子朔莊子朔子武文子成八年見傳晉悼立命為鄭襄二十五年為政

昭元年 又會于虢 是年卒

昭二十五年 趙鞅 會黃父 武之子成景子見昭五年傳鞅武之孫簡子

定十年 又 國衛 歸于晉

哀五年 又 納衛蒯賁 戰于鐵 伐衛

哀十六年

又侵鮮虞

魏卒于哀二十一年子無恤襄子見哀二十一年傳按史記魏長子伯魯不立孫代成君先亡乃立代成君子浣浣子籍分晉為諸侯是為

烈侯

哀十七年

魏曼多

又侵衛

唐書宰相世系表周文王第十五

孫萬為晉獻公大夫封于魏因為魏氏閔元年左氏傳云晉獻公滅魏以賜畢萬世本萬生芒季芒季生武子犇從重耳出亡

見僖二十二年傳莊子絳見成十八年傳杜注犇子按史記魏世家唐書世系表並云武子生悼子悼子生絳則兩史是而杜

注誤索隱考證乃世本脫文爾杜注絳之子獻子舒史記唐書則云絳生羸羸生舒與左氏異舒子襄二十三年見傳曼多定

十三年見傳魏襄子與范昭子惡杜注魏舒孫曼多也史記唐書並云舒生曼多索隱據世本獻子生簡子取取生襄子多證

史語少簡子一代是則杜注不誤魏曼多公羊哀十三年作魏多史記作魏侈或謂舒生侈侈生曼多作二人誤

襄子曼多生桓子駒桓子生文侯斯分晉為諸侯

文二年

士穀被殺

晉語魏叔子違周難于晉生子與

字理士官通志略陶唐之裔風虞夏商周成王遷之杜為伯宣

王殺杜伯其子隱叔奔晉為士師故為士氏其子孫處隨及范

內外大夫已賜族書氏

三

故經傳見三族焉莊二十六年傳士蔣為大司空穀薦之子蔣孫會以隨為氏亦曰范氏。○服注食采于彘洪亮吉左傳註曰按傳稱彘子注稱彘季士魴亦稱彘恭子是也陳厚耀諸疑穀與世本之成伯缺蓋一人。○姓彘云應叔為士師誤當從國語

成八年士燮來聘又伐邾文十三年正義引世本云士燮會鍾離為生成伯缺缺生武子士會

燮會之子文子也宣十七年始見傳

成十八年士匄來聘之子宣子襄九年為政

襄八年又來聘

襄十九年又會于向會于戚又侵齊至穀會于柯

成十八年士魴來聘士會子燮弟亦曰魴共子。○公羊作彭趙坦曰彭古音旁彭魴音近

襄二十九年士鞅來聘為政見是年傳注

昭二十七年又來聘又會于扈

定四年又侵鄭遂侵衛圖鮮虞

定十三年士吉射入邑叛鞅之子昭子襄五年奔齊鞅二子吉射臯夷

僖九年

里克殺奚齊

閏二年始見傳系未詳。通志略告繇為堯理官子孫遂

為理氏商末有有理微改姓李里氏亦本理氏春秋改焉晉有里克魯有里革鄭有里析。國語注克晉大夫里季子

僖十一年

不鄭父

被殺。注疏系未詳通志略平氏不亦作不晉大夫不鄭之後。傳亦曰平

鄭汪氏克寬曰鄭父名也或以為字非是傳但言鄭者省文如

經書樂郭黎而傳言樂郭經書其鄭父胥甲父而傳止稱箕鄭

胥甲愚按江說是鄭通仲以為名字通稱父者。鄭子約見

男子之美稱自稱平鄭人稱之曰平鄭父非也。十年傳

文六年

陽處父

伐楚。二年見經不氏六年傳云陽子黨

注疏系未詳通志略陽國見閏二年齊遷之子孫以國為氏晉有陽處父魯有陽氏高氏攷略以陽為食邑漢太原陽邑縣是

文九年

箕鄭父

被殺。箕子國在太原陽邑南後為晉邑

鄭書氏見經者祭氏良氏游氏國鄭氏罕氏駟氏又申侯氏系未詳

桓十一年

祭仲

朱執。傳曰祭封人仲足有寵于莊公使為

守為氏通志略以祭為王畿封邑近於鄭為鄭所并接鄭并周地容有之而是時王臣屢書祭伯祭公固夫失地辨見周地門

襄十一年

良霄

楚執。見經七穆之始子公孫輒子耳良霄

襄二十六年 又會澶淵 輒之子伯有也

襄三十年 又奔許復人鄭被殺 伯有子良止 見昭七年傳

昭二十五年 游吉 會黃父 穆公子公子偃字子游偃字公孫 蠶字子蠶蠶字游販字子明販字

良襄二十二年傳子展廢良而立太叔吉即子太叔販之弟也襄二十六年傳子太叔為令正昭二十年太叔為政

定六年 游速 會安南 吉子字子寬

昭三十二年 國參 會城成周 穆公子公子發字子國孫公孫 倚字子產參子產之子子思也

昭元年 罕虎 會于流 穆公子公子喜字子罕襄二年當 國子罕之子公孫舍之字子展襄

十九年當國並見傳虎子展之子子皮也襄二十九年子展卒子皮代父為上卿見傳注。罕公羊作軒趙坦曰字音近耳

定十五年 罕達 伐宋 昭十六年傳子齋杜注子皮之子嬰 齊也達子齋之子子賁公羊作軒達

哀二年 又戰于鐵 取宋師于岳

哀七年 駟宏 救曹 穆公子公子騂字子駟襄二年為政 騂字公孫夏字子西襄十九年聽政

並見傳夏子駟帶子士帶子駟偃子游昭十九年傳子游生絲 駟其父見立子駟杜注子駟子游叔父亦公孫夏之子即駟乞

也乞子敏字子然歸子太叔為政見定八年傳子太叔游吉也宏猷之子字子般

按鄭七穆印氏豐氏俱不見經孔氏惟公子嘉見經

僖七年

申侯

被殺

系未詳通志略申國子孫以國氏後為楚邑以邑氏毛奇齡曰申氏侯名

○鄭名世姓氏書辨證伯夷為堯太岳之官其後封子申楚文王滅申以為縣其族以國氏楚大夫申侯是也

蔡

書氏見經者惟朝吳一人系未詳

昭十五年

朝吳

出奔鄭

按襄二十六年傳楚伍參與蔡太師子朝友其子伍舉與聲子相善

杜注聲子子朝之子又於此傳歸生聞之句注云歸生聲子名昭十三年傳杜注朝吳聲子之子據此歸生即公孫歸生也子朝為公子而吳以王父字為氏也已見前書蔡公孫程氏說惟子朝之系未詳耳通志氏族略朝氏不入以字為氏門而以不得所系入分讓平聲偶未攷耳
公羊作昭吳趙坦曰假音字也
子朝子朝生聲子歸生
宋書氏見經者孔氏華氏樂氏
孔父以孔為字父為字辨
皇氏仲氏魚氏向氏石氏

桓二年

孔父

被殺

昭七年傳曰孔邱聖人之後也其祖弗父何以有宋而按厲公及正考父

佐戴武宣杜注弗父何宋湜公之子厲公之兄孔父嘉之高祖此即孔父嘉也隱三年見傳詩商頌序正義引世本末湜公生

弗父何弗父何生宋父宋父生正考父正考父生孔父嘉為宋司馬華督殺之曾孫防叔奔魯為防大夫是孔子之曾祖也

孔父名也劉敞曰君前臣名是也御纂直解○愚按杜注孔疏以

孔為氏父為名穀梁以孔父為字啖氏助則云孔字父美稱也

春秋名嘉者多字孔是其證也然據孔疏引傳文曰督攻孔氏

是孔為氏之明證疏又引春秋之齊侯祿父蔡侯考父季孫行

父衛孫林父皆是名是父為名之明證更證以劉氏君前臣名

之義見書名門當無疑矣○又按陸氏祭左傳附注引家語闕里世

系唐宰相表諸書皆以父為字嘉為名謂世無以父名者非也

莊十二年 仇牧 被殺 系未詳

文十五年 華孫 來盟 世本戴公子好父說說之子華父督春秋桓二年傳稱督為太宰相宋公

督生世子家生華孫御事為司寇見文七年傳華元華耦皆督曾孫此華孫即華耦文九年見傳十八年傳又稱司馬子伯

○元和姓纂戴公子好父說食采于華因氏焉

曾子撥傳立華氏也華督之亂孔氏出奔忠者被廢而逆者賜

氏人事之大變也自是曰耦曰元世預國政迨昭公末年登亥

作亂幾覆宋祚張尙駿左傳折諸

宣二年

華元戰大棘被獲

御事子文十六年爲右師按元歷事文公共公平公凡四十年

成八年

又兩來聘

成十六年

又出奔晉自晉歸于宋 會鍾離

襄元年

又會國彭城兩會于戚

襄六年

華弱來奔

杜注華椒孫拔華椒以蔡人救蕭見宣十二年傳弱官司馬故傳曰司武

襄十四年

華閱會于戚

杜注華元子代元爲右師

襄十七年

華臣出奔陳

襄九年見傳杜注華元子爲司徒

襄二十九年

華定會城杞

杜注華椒孫是年見傳爲司徒傳稱宋司徒杜注華定也

昭十二年

又來聘出奔陳

昭二十二年 又自陳入宋叛 出奔楚

昭六年 華合比 出奔衛 據傳時為右師。程公說分紀 華氏別族經弟曰亥曰合比 六年見傳杜注合比弟

昭二十一年 華亥 會厥怒 出奔陳 六年見傳杜注合比弟

昭二十二年 又自陳入宋叛 出奔楚

昭二十五年 樂大心 會黃父 世本戴公生樂父衍衍生澤澤 主須須生大司寇呂樂為司

寇見文十八年傳唐書世系表云以王父字為氏也唐書又云 樂呂孫喜喜生司城子罕按襄九年傳樂喜為司城杜注喜即

子罕傳語正與司城子罕之稱合唐書誤為兩人檀弓正義引 世本呂作克克生曹曹生喜喜之孫祁犁字子梁為司城見昭

二十二年傳祁子淵字子明見定六年傳大心杜注子明之族 父傳又稱桐門右師。公羊作世心趙坦曰大與世古字通

定十年 又自曹入于蕭 出奔曹

昭二十七年 樂祁犁 會于扈 見上傳又曰樂祁曰子樂曰司 城子梁。王引之周秦名字解

故曰祁祈字通齊公子祈字子高則祁者高也宋孔臯夷字祁 父則臯夷者高平也楚沈諸梁字子高則梁亦高也云祁犁者

取疊韻之字以為語助古語類多如 此故經書樂祁犁而傳止言樂祁也

定六年

又被教

哀三年

樂髡 伐曹 桑未詳

哀七年

皇瑗 伐鄭 文十一年傳初宋武公之世鄭驪伐宋司徒皇父禦之杜柱皇父戴公子

其後皇鄭見襄九年傳太幸皇國父見襄十七年傳瑗之系未詳杜注宋右師○程公說分紀戴公子皇父充石八世孫瑗鄭名世辨證充石字皇父為宋司徒其孫南雍缺以王父字為皇父氏或去父稱皇氏蓋古者冠字而六十稱父故別為兩氏

哀九年

又取鄭師于雍邱

昭三十二年

仲幾 會城成周 莊公子公子成為右師見文七年傳成或作仲或作戊世本莊

公生戊戌生司城師文十八年傳公孫師為司城是也襄十四年傳仲江會伐秦注師之子昭二十二年傳幾為左師江之孫鄧名世辨證公孫師之子仲子孫江為司馬以王父字為氏所謂司馬仲江者江生幾字子然幾生佗字子服以幾為江子小異

定元年

又晉執于京師

定十年

仲佗 出奔陳 幾之子 自陳入于蕭叛

成十五年

魚石 出奔楚 襄公庶兄公子目夷字子魚僖復入彭城 九年傳襄公即位以目夷為仁

使為左師駘政於是宋治故魚氏世為左師目夷子公孫友為左師見文七年傳魚石目夷會孫亦為左師同奔者少幸魚府

襄十五年

向戌來聘而盟

世本桓公子向父肸肸子司城

昭元年

又會于號

魯守守于小司掩獲及成成十五年傳為左師襄十七年

昭二十年

向寧出奔陳

傳稱合左師台向戌邑也

昭二十一年

又自陳入宋叛

哀六年

同巢

伐曹

定九年見傳杜注戊會孫向應兄程氏

定十年

石彊

出奔陳

自陳入蕭叛

共公子公子段字子石襄二

陳書氏見經者韋氏夏氏餘未詳氏系

僖四年

韓濤塗

被執

韓宣仲也按唐書世系表陳胡公

十一世名諸字伯爰濤塗以王父字為氏通志略爰袁轅通○子轅選見文二年伐秦傳○公穀作袁趙坦曰轅袁通假字○梁履繩補釋曰杜氏世族譜高塗申公九世孫鄭氏通志略謂濤塗去申公二十一世皆與唐表不合當以杜譜為正

襄三年

袁僑

會盟雞澤

杜注濤塗四世孫洪亮吉春秋註袁轅字同袁僑亦作轅僑

哀十一年

轅頗 出奔鄭

唐書世系表宣仲生選選生聲子突突生惠子雅雅生頗

宣十年

夏徵舒 弑君

十一年傳注少西徵舒之祖子夏之名其子御叔夏姬之夫見成二

宣十一年

又 被殺

年傳徵舒字子南程公說分紀厲公之子少西後為夏氏

昭二十三年

夏醫 戰雞父被獲

世本徵舒生惠子晉晉生禦寇禦寇生悼子醫

哀十三年

夏區夫 盜殺

系未詳程公說分紀醫生區夫○區公作彊趙坦日音近假音字也

莊二十五年

女叔 來聘

杜注女氏○鄧名世辨證汝與女同夏有遺臣女艾魯有大夫女賈

莊二十七年

原仲 會葬

系未詳杜注原氏通志略周文王子原伯之後周有原莊公世為周卿士

以邑為氏魯有原壤陳有原仲其族散在他國以本國為氏顏師古急就篇注原伯封地在河內後為晉滅遷之于冀因稱原

氏而晉更以原封其大夫先軫鄧名世辨證陳原氏所謂南方之原者按詩陳風曰南方之原毛傳原大夫氏疎引原仲為證

宣九年

洩冶 被殺

系未詳亦作泄通志略人名氏未辨類引左傳鄭大夫洩駕陳大夫洩冶

宣十一年

儀行父 楚納之

九年傳注陳卿系未詳通志略衛大夫儀封人之後徐有儀楚

襄二十三年

慶虎 慶負 被殺

二十年傳注陳卿系未詳○問夫論夏氏儀氏慶氏皆陳公族

襄二十四年

鍼宜咎

出奔楚

杜注鍼子入世孫系未詳
程氏分紀鍼子信公孫

襄二十七年

孔奭

會于宋

系未詳杜注非上卿故在石惡下
○奭公羊作張趙坦曰聲之誤

昭八年

又楚滅陳被殺

又

干徵師

楚執殺

杜注陳大夫系未詳通志
○干氏宋大夫干驪之後

齊

書氏見經者仲孫氏高氏
國氏崔氏慶氏梁氏陳氏

○仲孫公羊說辨 崔氏左說辨

閔元年

仲孫

來

傳云仲孫湫杜氏未詳其系愚按昭四年傳曰齊有仲孫之難而獲桓公杜注

仲孫公孫無知事在莊九年又按莊八年傳曰僖公之母弟曰夷仲年生公孫無知則仲孫是夷仲年之後莊九年無知不書氏未賜族為大夫也至閔二年仲孫書氏已賜族也傳云仲孫之難蓋追稱之仲孫非是無知當是無知之子以王父字為氏

公穀云是公子慶父疏之故言齊仲孫以齊仲孫為魯公子謬

矣且孫以王父字為氏此乃慶父之身也而可稱仲孫乎此無

理之尤者

葉集味助劉敞

○公羊曰慶父也繫之齊外之也穀梁曰疏之也春秋亂賊未有隱其名而外之者且前書慶父如齊奔莒

而於其入隱之必不然矣

章如愚羣書考索續集引陳岳

○前後皆稱慶父何

以此獨改稱仲孫其非慶父可知

吳括公羊義疑

○無論慶父不可繫

齊慶父先不可以仲孫書也公孫之子始以王父字為氏魯仲

孫氏至穀難始稱之也公穀此傳支離極矣

崔應樞吾亦隨稿

莊二十二年

高侯

盟于防

莊九年見傳證曰敬仲見襄二十九年傳按唐書世系表齊太公六

世孫文公生公子高孫侯為齊上卿食采于盧以王父字為氏通志略云以王父名為氏似誤高之名特無攷爾鄭名世姓氏辨證唐書謂侯佐管仲有功桓公命氏以為上卿然僖十二年傳管仲平戎于王王以上卿之禮享之辭曰臣賤有司也有天子之二守國高在杜注國子高子天子所命為齊守臣皆上卿也則國高之命為卿久矣不始於佐管仲也故莊九年齊桓入國鮑叔薦管仲於公曰管夷吾始於高侯是其時候已為高氏其得氏在桓公前

傳云天子之二守國高王制曰次國三卿二卿命於天子一卿

命於其君正義云次國侯伯也齊侯爵故二卿命於天子命於

天子者皆謂上卿命於其君者謂之下卿

洗形左傳小疏

閔二年

高子 來盟。即高侯

宣五年

高固 來逆子叔姬 高宣子也世本敬仲生莊子及子叔姬來 莊子生頃子頃子生宣子

宣十五年

又 會無婁

成十五年

高无咎 會鍾離 秦嘉謀世本輯補以為固子。出奔莒 无咎奔莒子弱以盧叛見傳

襄十九年

高厚 伐我圍防 固子見襄六年傳注

襄二十九年

高止 會城杞 厚子傳又曰高子容。唐世系出奔北燕 表厚子麗麗子止與世本異

昭十二年

高偃 納北燕伯 杜注侯元孫孔疏謂即襄二十九年齊人所立之高郵當闕疑

昭十九年

高發 伐莒 系未詳程公說分紀偃二子曰張日發

昭二十九年

高張 來唁公 偃之子昭子

昭三十二年

又 會城成周

哀六年

又 來奔

按齊有兩高氏子尾之子高彊為一族昭十年傳齊惠樂高氏杜注彊高二族皆出惠公是也高彊亦曰子良氏見昭八年

禧三十三年 國歸父 來聘 亦齊公族系未詳信十二年傳云

歸父於信二十八年戰城濮見傳即國莊子。通志略國氏姜姓其先共伯廣韻二十五德因氏太公之後代為上卿

宣十年 國佐 來聘 歸父子武子

成二年 又 如師盟袁婁

成十五年 又 同盟于戚 會伐鄭

昭元年 國弱 會于號 佐之子勝見成十七年傳注十八

昭十一年 又 會厥慙 年佐及勝被殺弱來奔齊侯反弱使嗣國氏杜注弱勝之弟景子

定四年 國夏 會召陵 弱公羊作酌趙坦日聲之誤佐之孫弱之子惠子

定七年 又 兩伐我

哀三年 又 圍戚 采奔

哀十一年 國書 伐我 系未詳程公說分紀

宣十年 崔氏 出奔衛 唐書世系表齊丁公生季子食采于崔生穆伯穆伯生伋沃生野入

春秋左傳卷之六 宣公六年 齊大夫已賜侯書氏

世孫天天生杼高誘惟南子說林訓注杼爲野之子與唐表異崔天於僖二十八年戰城濮見傳杼爲齊正卿論武子

經書崔氏公穀無所指名左氏以爲崔杼考杼弑君去此踰五

十年似趙氏所駁是○左氏謂卽襄二十五年弑君之崔杼按

自此至杼之逆五十一年以七十言之則今日之奔直未冠耳

未冠遽能專齊乎

趙鵬飛經筵

○左氏云書曰崔氏非其罪也且告

以族不以名非也齊告以族春秋固當正之若曰崔杼無罪又

舉族出奔故因舊史而書之則樂盈亦無罪亦舉族出奔何以

不曰樂氏出奔邪且春秋使舉上介戰舉元帥雖有眾大夫不

與焉者略所微也今何爲區區書崔氏之族邪

劉敞權衡

○顧氏說

見大夫出奔門高氏據豐氏疑氏字係天字之訛見書世卿門

成十八年

崔杼

同盟虛打

見上按十七年傳是時杼始爲大夫

襄二年

又

會伐鄭次于鄆會于戚

襄二十四年

又伐莒

弑君

襄二十七年

慶封來聘

通志略桓公于無虧生慶克成十七年傳注克慶封父封字于家子慶舍

昭四年

又楚執穀

昭十年

樂施來奔

惠公子公子堅字子樂堅子公孫實字子雅施子雅之子字子旗○施與

高偃字子良者同為惠族以齊惠公子有子樂子高施疆皆以祖字為氏左傳稱樂高氏史記世家稱高樂氏然總稱惠族晏嬰所謂二惠競爽猶可者也公羊但知晉有樂氏而不知齊亦有之改經齊字為晉字誤矣毛氏奇齡春秋傳云

哀六年

陳乞弑君

莊二十二年傳陳公子完奔齊及陳初亡陳桓子始大子齊其後亡也成

子得政史記田完世家敬仲曾孫文子須無見襄二十三年傳須無生桓子無字見襄六年傳無字生武子子彊及僖子乞武子見昭二十六年傳乞之子成子恒歷四世代齊為諸侯鄆名世辨證陳完奔齊以國為氏桓公使為工正食采于田八世孫常擅齊政為強家始稱田氏或云陳田聲相近

楚書氏見經者屈氏遺

僖四年

屈完盟召陵

元和姓纂楚公族楚武王子瑕為莫敖食采于屈因氏焉完系未詳

襄二十五年

屈建減舒鳩會于宋

按世本建屈蕩之子到為莫敖見襄十二年傳蕩之子到為莫敖見襄十二年傳為莫敖二

年傳建字子木國語韋注屈到子也襄二十二年傳為莫敖二

昭五年

屈申被殺

四年見傳杜注屈蕩子

襄三十年

遠罷來聘

按遠氏即為氏為楚地食邑于為唐書世系表紛冒生為章桓六年傳作

遠章楚侵隨使遠章求成是也鄧名世辨證於為蕩二氏並稱
芊姓以蕩呂臣為公族大夫食邑于蕩即子玉治兵之地為賈
氏謂之蕩章蕩罷蕩啟疆等為其後政而二之而又曰蕩為一
也史策互見則亦猶豫無據矣為呂臣為令尹見傳二十八
年賈見傳二十七年傳孫叔敖為章之子也服注以宣
十一年之為艾蕩為叔敖洪亮吉左傳詁辨之罷字子蕩系
未詳二十七年如晉蒞盟見傳○罷公作頗趙坦曰假音字

昭六年

又伐吳

昭十二年

成熊被殺

按成氏與闕氏同出若敖成得臣字子玉見傳二十三年傳若敖子玉之

祖見二十八年傳注子玉若敖之會孫見晉語注子玉之子成
大心見文十一年傳成熊傳作成虎杜注子玉孫按是時去大
心之卒入十五年或非大心之子○趙坦異父箋曰左氏傳明
云書曰楚殺其大夫成虎則經文作虎字可知故穀梁經直作

虎字今左氏經作熊或篆文殘脫致誤正義謂名熊字虎則古人未有以一物為名又以一物為字者至公羊作成然又因熊然字似致謬

昭二十七年

卻宛被殺

系未詳卻穀作都○洪亮吉曰徐廣

○按史記伍子胥傳楚誅其大臣卻宛伯州犁之子非也
駢奔吳集解引徐廣曰晉伯宗子伯州犁伯州犁子卻宛卻宛
十伯孫宛亦姓伯又別氏卻楚世家云穀卻宛宛宗姓伯氏子
駢奔吳愚謂徐說不但誤會楚世家之文并與本傳之文繆戾
若宛為州犁之子本傳豈應以子先父云誅卻宛伯州
犁乎且此傳語明是誅兩臣而獨伯氏之孫出亡也

定四年

囊瓦出奔鄭

莊王子公子貞字子襄見襄五年傳瓦其孫子常也見昭二十三傳注

○王臣書氏

考證氏系已載周地門者不複載

周氏

僖九年宰周公會葵邱出奔晉

三十年又來聘

成十二年周公

會葵邱者宰周公孔或云周公忌父之兄來聘者宰周公閱系

未詳奔晉者周公楚或云閱曾孫

顧棟高世系表

○餘見周地門

以下

召氏

文五年召伯來會葬六年召伯以子朝奔楚

宣十五年王札子殺召伯

昭二十

穆公虎之後僖十一年傳王使召武公賜晉侯命來會葬者武

公子昭公也被殺者昭公子戴公也奉子朝者簡公召伯盈也

顧棟高。陸德明曰召公長子繼燕支子繼召又作邵又姓世系表

祭氏隱元年祭伯來桓八年祭公來莊二十三年祭叔來聘

正義云祭叔或是祭公之弟今姑闕疑顧棟高世系表

毛氏文元年毛伯來錫命九年來求金宣十五年王札子殺毛伯昭二十六年毛伯以子朝奔楚

來錫命者毛伯衛以宣十五年見殺奔楚者毛伯得昭十八年

傳得殺毛伯過代之杜注得過之族去衛未知幾世顧棟高世系表

劉氏襄十五年劉夏逆后昭十三年劉子會平邱昭二十二年劉子以王猛居于皇入于王城定四年劉子會召陵秋劉卷卒

王季子定王母弟劉康公也夏康公子定公也定公子獻公擊

獻公庶子盆杜注卷卽盆是為劉文公顧棟高世系表

單氏單子成十七年兩會伐鄭襄三年會盟雞澤昭二十二年

成元年傳單襄公如晉拜成會伐鄭者即襄公名朝盟雞澤者襄公子頃公也襄十年傳單靖公爲卿士以相王室頃公子也昭七年傳單獻公奔親用羈襄頃之族殺獻公立成公杜注獻公靖公之子成公獻公之弟也輔王猛者成公之子單穆公旗也穆公之孫平公會黃池

顧棟高世系表

以上王臣係姬姓所分之氏見于經者六世系見周地門

武氏

隱三年武氏子求求焉

杜注不言武氏所出新唐書平王少子生而有文在其手曰武如所言宜以武爲名豈得以爲氏邪殆不足據

顧棟高氏表

○漢敦

煌長史武班碑殷王武丁伐鬼方元功章炳勲茂王室官族分

析因以爲氏武氏其後也

洪适隸釋○按此未知是否王臣武氏之系存以俟考

尹氏

隱三年尹氏卒成十六年尹氏再會伐鄭昭二十三年尹氏立王于朝二十六年以奔楚

王臣書氏

會伐鄭者尹武公立子朝者尹文公固

顧棟高世系表

○隱五年王使

尹氏武氏助曲沃注皆世族大夫也按晉語文王諏于蔡原訪

于辛尹韋注辛辛甲尹尹佚皆周太史則尹氏史佚之後又姓

南氏隱九年南季來聘

南氏季字見杜注系未詳按南即聘之後也見書王臣門

渠氏桓四年辛渠伯來聘

渠氏伯糾名

注

○見書王臣門

仍氏桓五年仍叔之子來聘

公穀作任按詩雲漢序仍叔美宣王周之有仍氏舊矣

顧棟高姓氏表

家氏桓八年家父來聘

家氏父字

注

○按詩節南山篇家父作誦十月之交篇家伯冢

字鄭箋俱以為字疑此家父之祖父也

顧氏列前

榮氏 莊元年榮叔來錫命

按武王時有榮公屬王時有榮夷公此蓋其後上同

叔氏 文元年叔服來會葬

叔氏服字杜○見書王臣門

石氏 定十四年石尙來歸振

石氏尙名杜

補姓氏總論

姓以統祖宗所自出歷世不移氏以別子孫所自分隨時而易故姓可以稱氏氏不可以稱姓氏同而姓不同者昏姻可通流雖合而源實分也姓同而氏不同者昏姻不可通流雖歧而源則一也三代以上男子稱其氏婦人稱其姓如榮叔毛伯皆氏子氏姜氏皆姓也三代而下姓氏混爲一至秦滅六國子孫爲萌隸故以國以姓以字以

名爲氏姓氏之消始此姓亦稱氏氏亦稱姓往往有亂宗而陷於不知遠嫜而誤於弗考者以此故也

彭維新墨香閣集姓氏淵源序

又內大夫已賜族書氏門仲嬰齊條下

公孫歸父乃襄仲長子謀去三桓三桓惡而遂之立其弟嬰齊爲襄仲後襄仲賜氏仲故春秋所書父曰仲遂子曰仲嬰齊何嘗以嬰齊祖襄仲也何休亦云弟無後以之義爲亂昭穆之序失父子之親故不言仲孫明不與子爲父孫其說更明也

胡承諸釋志

春秋屬辭辨例編卷二十七終